



國朝詩觀卷十一

瑞州新昌王錫侯韓伯編次 男霖校字

盛謨

字于望江西武寧人歲貢生任安義學博  
着有字雲巢詩鈔世稱盛氏伯子

真州曲

真州女兒挽矮髻。艣間使舵如兒戲。囑咐阿夫輕  
下。篙水淺。岬微要仔細。

頭裏青布雙纏窄。長年燈躡湘江碧。日暮炊飯蘆  
荻邊。隣媪燈火話疇昔。

少小江上無着落。手控布帆由揮擢。前年大媳嫁  
阿兄。今年兒子戲繩索。

小舸草席宿兩口。月明壁破露雙肘。使君休得相  
嘲。調溪房曲檻有污垢。真語

辛丑四月望夜雨泊洪州憶吳東

淋漓石潭雨。風吹細草香。感時頭欲白。散酒眼多  
黃。遠地流螢暗。江邊薄枕涼。夢魂歸恐黑。送我過

橋梁。三見交情

除夕舟中

沽酒營洲店。遊魂狎夕波。文章老日月。出處混蓬  
蓑。剪燭春星亂。沿江歲鼓多。鄉村此夜樂。楚岫客  
如何。蒼老無匹

盛鏡

字于明謨二弟

著有寄軒詩鈔止水

山中

誰謂山中寡。開懷景自親。萬族各有性。會心得其  
真。虛途滋幽想。遇故理復新。始知知趣士。不暇入  
罽塵。可與知者道

山居

以後世外居。弱妻漸踈懶。朝食日方中。重炊至於  
晚。白日滿空廬。蕭然人事罕。縱有桑麻任。境寂心  
常。是以陶先生。懷真自元遠。白雲良可怡。螢光  
何足繭。遠響

答楊振業先生見寄元韵

羲和去復返。佳氣滿山川。哀哉不敢頌。潛身海嶽邊。上帝謂我醉。置我白雲間。舉手謝時輩。風高未可前。

山中白雲好。人間獨奈何。我懷滄洲思。深悲岐路多。精魂終寐滅。何事苦婆娑。朔風吹不盡。蕭蕭薤露歌。

悲壯而不露

嚴陽山

谿谷出大澤。山勢轉紆阻。峭壁干青霄。仰視驚神迹。溪水無安流。石罅爭吞吐。有時灑頭高。險激瞿

唐怒陟。棧環隈。嶼越嶺。通林鳴。菰蒲覆芳洲。蘭茝散平階。飛泉落清池。循流澹容與。翹首矚遠樵。高蹤何踽踽。顧盼不尋常。風神復軒舉。塵外事已幽。山中人自古。猿鶴亦群遊。雲霞亦為旅。平生念素居。束髮慕元侶。欲買東臬田。來構西山墅。不見采芝人。蕭條獨延佇。

亦自亦謝 渾然大雅

盛樂 字水賓 謨三弟 拔貢生 應鴻博舉 著有劍山詩 鈔世稱季子

登繩金寺塔

新秋好天氣。挾策從所務。廓落層臺上。開懷得遠趣。山河勢屢遷。草木隱塵霧。微雲足下流。秋風颯

然度。遙望蒼冥間。森森三珠樹。青鳥遊帝鄉。杳藹  
空中住。天風四處來。吾將與俱去。  
逸興隨筆

潯陽懷古

岷山之水出巴邱。幾千百里到江州。長江自古稱  
天塹。堯舜以來無安流。元氣能熊能緯大地。到處能  
作奔流勢。八月無風亦怒號。江神豈有不平事。上  
有瞿唐三峽。淫瀆堆雪浪。壁立如轟雷。飛入山頭  
作神雨。直與十二巫峰爭。崔嵬其間洞。延勢最大  
浸沉日月失。疆界誰言君山是。巨鎮出沒中流浮。  
一芥三湘七澤。何混茫。周迴百里滌荆襄。滙浦以

下氣始束其氣。愈束力愈張。我來正值秋濤起。翔  
風亂捲蒿蓬死。巨蚌展帆破楚雲。水花衝激裂睚  
眦。仰天長嘯復長歌。賦詩橫槊事如何。琵琶撥斷  
紫烟滅。蕭蕭只見賓鴻過。度樓高處窺東海。火齊  
木難生神彩。月明不照晉時筵。風流都督今安在  
昨者。羨自康王谷。倒瀑飛泉駭心目。蓮花峰老杏  
林殘青螢墓。繞瀘溪屋三笑亭畔一停車。陶陸清  
聲散綺霞。伯安詩句半塵土。舊積空勞掛碧紗。石  
梁蕪蕪上霄峰。秦皇漢武窮仙踪。禹碑漫漫不可  
讀。幾回感嘆勞心胸。今日江頭餽楫渡。登涯問酒

黃梅路。古人去我幾千年。何事愴神傷平素。呼嗟  
乎。言廬諸峰高且寒。大江水濶瀉長瀾。天紫地結  
相盤桓。江山浩蕩有如此。安得昔人共往還。與我  
同登嘯臺上。盡此東南第一觀。  
奇峰突兀狂瀾  
浩翰倚極奇觀

難以  
名狀

盛牧

字遠舉鏡之次子諸  
生著有梅莊近草

感遇

良馬散殊方。艱難度漢水。孫陽未遇時。伏櫪鳴不  
已。一朝乘長風。感激忘生死。非敢慕空群。所志在  
千里。  
可以  
觀志

寶劍落風塵。精光不以秘。夜夜匣中鳴。主人猶未  
識。激宕風雨生。波濤湧四壁。遂落延平津。勿為世  
人得。回首視鉛刀。雖多復何益。

灼灼紅雲起。遠天映落日。奇光蕩虛空。以勢為出  
沒。鷲鶴各飛翔。魚龍分縱逸。交幻在須臾。峰壑爭  
崿嶂。其根亦微茫。何以竟紆鬱。乃知造物心。氤氳  
不以秘。終焉薄太虛。翱翔竟通夕。  
蓄極  
必通

三賢村

村在艾城西為山谷東坡少遊所  
因名出豫寧志

日落寒峰出。蒼茫萬壑同。水流深樹裏。人立暮烟  
中。小徑山茶綠。踈籬木槿紅。昔賢吟咏處。猶掛酒

旗風

東湖晚眺和汪雲谷前輩韻

烟波面面朝川圖。月映寒汀一鏡孤。十里洪都留客醉。夜來多半在東湖。

點點輕鷗弄碧漪。打魚人唱竹枝詞。汪倫舊是鍾情客。聽到湖亭烟暝時。

聞笛

何處聞羌笛。清風送元妙。不見桓生來。疑是阮公嘯。

苦雨吟

寒鳥啼山下。餓鳥啼山上。天高苦不聞。聞者悲無量。  
含意不盡

別業

別墅居幽處。身閑任去留。吟殘清夜月。坐老半園秋。野迳無遊屐。荒溪有釣舟。漢陰機事息。時看白鷗浮。  
老勁

書蔣苕生壽萱詩幷後

客路春風愁歸路。春風逸遊子。奉慈幃。蒲帆千里疾。山水入奇懷。縱橫從所適。流覽徧東南。懷古生太息。時遊五侯門。別裁偽體出。細尋楮墨間。奇氣

終。紆。鬱。古。云。窮。而。工。所。言。何。區。別。不。見。山。外。泉。猶。映。山。中。月。

太史如此勝于板輿奉母多矣

### 滕王閣

臨江高閣影蒼茫。十二朱欄映夕陽。帝子管絃都寂寞。詞壇碑碣亦荒涼。春草色迷蝴蝶干。頃難聲落鳳凰。只有西山無恙在。中人解說三王。

### 秋屏閣

秋屏閣上倚晴。一。半。青。峰。一。半。江。雲。小。以。外。雁。鴻。渺。砂。石。之。中。鷗。鷺。降。南。浦。舟。從。天。上。至。北。蘭。鐘。在。水。間。撞。登。臨。亦。有。無。窮。趣。興。罷。歸。來。月。滿。艤。

### 鄴田同萬朝分賦

碧流無數遠鄴田。水勢微茫斷復連。振羽鳥齊雲外樹。披簑人立雨中烟。芳洲艸滿侵蘭芷。幽谷春寒咽杜鵑。片片桃花溪畔落。漁郎好泛木蘭船。

### 觀音崖

鳥道盤旋杖策艱。竒崖聳峙壯天關。寺居萬疊青峰裏。人在千層翠色間。入戶泉聲晴作雨。當樓雲影水兼山。尋幽最是生平僻。欲借禪房半榻閑。

### 南山崖

懸崖古木冠雲亭。絕磴攀緣斷客行。烟雨片帆天。



欲暮雲山十里酒初醒魚龍吞吐殘碑老寺背山谷碑向  
落木中為竹樹蕭疎古寺晴已向高僧通姓字上  
漁人所得  
方應有遠公迎

盛翼 字垂雲 武寧人

春懷

牆頭生新草。牆外垂楊柳。皓月天中來。清光洞吾  
牖。有懷當告君。素琴橫在手。妾本貧家兒。勉作君  
家婦。但得妾妾心。白頭終相守。古味 益溢  
歡會時難久。夜汲愁緒滋。彈我素絲琴。聊以寄所  
思。再彈不成調。君遠未知之。獨向中庭望。淒淒月

落時

山上白雲飛。靉靄如素綺。雲心不離山。春風徒吹  
雨。園中有春花。綠葉相覆被。枝枝汲結交。風雨情  
不鮮。觀物動中懷。人世誰能此。三四 更奇

遊石燕巖次李太史屯菴先生韵

儵忽開靈竅。元闕入小天。山雲籠老桂。石溜滴仙  
泉。竇宿千年雪。門通一縷烟。我来逢歲莫。好泛剡

溪船。五六 奇瞻

獅崖獨眺

峭壁藏蕭寺。天花落半空。人烟數里外。春色一樓

中。鳥。噪。崖。腰。竹。帆。開。江。面。風。峰。頭。我。獨。立。翹。首。對  
飛。鴻。中聯 整雅

舟過樵舍

風掃長嵐日莫天。鞦韆鳴斝小村烟。沿堤屋角臨  
江水。隔岸人聲喚渡船。茶市半開疎竹裏。酒帘高  
掛綠楊邊。不堪更倚孤篷望。此地年年空往還。

崔琪 字惺極湖口縣諸生

詠懷 效阮公體

蒼蒼一古松。盤根泰山阿。閱盡滄桑變。纍纍附女  
蘿。借問何由此。日夕受風多。層冰堅其骨。積雪老

其柯。不紀何年歲。巋然立嵯峨。骨骨力 巋哉

天。圍。有。其。樞。地。方。有。其。柱。非。樞。不。轉。環。非。柱。不。凝  
土。工。共。觸。不。周。天。地。受。其。侮。西。北。作。塵。寰。東。南。為  
水。府。悠。悠。復。悠。悠。鍊。石。終。何。補。

鳳皇翔千仞。志與梧桐期。九州都徧閱。擇此龍門  
枝。龍門高百尺。靈根最稱奇。左頷扶桑影。右睨翠  
水湄。扶桑騰光彩。翠水濯羽儀。城烏爭腐鼠。置身  
何太卑。天地由來濶。何用守藩籬。

蓄。幽。種。芳。池。池。水。清。且。瀏。紅。艷。向。日。開。倒。影。垂。魚  
留。雙。環。搖。槳。來。捲。紈。出。皓。手。競。取。並。蒂。花。移。舡。較

勝負同根原不差。相殊或偶有一樣。受栽培莫怨泥中藕。安分無悶

即景悼亡

博山蒸沉光。金篆烟霽。一縷出疎櫺。條與青雲會。微風西北來。蕩軼真無奈。雲歸碧嶂中。香散雕甍外。鬱鬱九層爐。寸心空滂沛。古味洋溢

春抵江南

溶溶春水画舸輕。繞到蕪湖又石城。一日放流三站路。八年作客兩南京。十六年曾客江南秦淮仍是當初渌。潘鬢應愁此處生。堪笑華年空老大。江村寥落

遇清明

邗上秋懷

蕭蕭紅葉滿林風。邗上江山四望通。事在眼前全不覺。途行岐處信多窮。沙邊有火鷓鴣雁。雲際無根落轉蓬。千里孤舟何處是。茫茫大地一漁翁。露白天空木已摧。一叢猿嘯冷如灰。孤燈欲盡花難放。殘夢無端蝶不來。片片隨風林葉落。亭亭冒雨菊枝開。自從觸景情何恨。聊向樓頭把酒杯。

劉量

字肇勳 新城人

遊白雲峰

覽勝入雲峰。白雲起山曲。牽確石徑微。危磴到門。  
促寂然古仙宅。結構餘茅屋。鳥啼人語響。松搖風  
謾謾。列坐得所憇。賞心幽心足。即此羨山情。悠然  
思遠俗。

贈程湘靈

峽水山前雲樹碧。峽水石邊程君宅。程君自是心  
跡奇。對酒高歌永晨夕。一自飢驅走風塵。聞山聞  
水千里客。支貧骨相長。晚爨旅舍蕭條但四壁。丈  
夫秉氣樹堂堂。何為摧眉苦困迫。掄才終收奇寶  
姿。琳琅著作衆爭識。我今坐卧林泉間。茶臼筆牀  
感蕭索。雄談岸憤思君好。君今高峰看雲白。

舟行

舟行盡日轉山麓。颼風騷屑起空谷。殷雷忽忽響  
前山。黑雲礮礮互奔逐。山中雨脚大如豆。瀟瀟盡  
下千家屋。崢嶸巨浪看翻蓬。榜人理楫驚欲覆。須  
臾激激聲乍息。雲破高空藹林木。四望山光青翠  
來。飛流濺沫看懸瀑。

奇景  
妙句

梅花

去年梅發花如雪。身在城南與花別。今年寂處無  
故人。獨對繁枝空欲折。寂處蕭條待若何。疎梅曾

受風霜多。風霜祇成冰。玉質愛爾奇。香發青柯。

若要熟也須從這裡過來

雨後舟中晚望

涼風吹晚色。舟泊向江濱。野樹低含雨。遙山澹吐雲。岼平空翠靄。水濶靜波紋。客路孤帆影。故人惜手分。

贈別李丈

相聚十餘載。閒情話素心。人於秋水淡。貌似古松森。一卷寒山業。千章白雪吟。東裝愁握別。鴻雁飛雲岑。

遊天峰寺

僻立天峰峙。郭西行隨杖。者上層梯。路穿古木風迴急。人語空山鳥自啼。烟嶂四圍青。紫出寒泉一。帶白雲。齊人間。儘有難窮境。留與高僧任取携。

秋夜

月色滿亭中。微雲淡遠空。露團千樹碧。人坐一燈紅。

偶興

愛踏青山到水涯。釣磯坐處柳絲斜。橫江石壁飛流水。時有波濤作雪花。

程湘靈宅

杉皮小屋幽居美。四圍青竹一溪水。風動千竿似嘯吟。始知人在脩竹裏。

雅幽

程祥

字湘靈江西新城人

秋夜感懷

鳥宿園林靜。天高景色空。月浮秋影白。窗透燭光紅。薄袂偏當露。新寒不耐風。候虫凄切切。憂感若為同。

五六新雅

客途寄劉肇勳

渺渺天涯客。悠悠何處歸。愁隨塵徑滿。心逐斷雲飛。

飛鳥憑輪轉。鳩鶯帶雨啼。思君餘雅況。雪案妙

珠璣。

病愁

浪跡置塵裏。生涯處霧憐。奚當藍尾酒。莫贖杖頭錢。消受青囊藥。殷勤玉版篇。禁方須檢點。寒雨夢相牽。

江樓對雨感秋寄同人

西風嫋嫋起江頭。雨點輕盈墮小樓。遙望依蘆藏羽雁。靜看逐婦隱孤鳩。迷離雲樹山無黛。嗚咽寒溪水自秋。此日牢騷難具訴。問君何術解醒憂。

雪月二首次黃于賓韵

銀海光搖萬頃開。素娥更戴素花來。泛舟空有山陰興。踏雪還思野外梅。

瑶華對酒好懷開。寒月凝杯暎氣來。醉後聳肩君有句。可無詩興在官梅。

對雪偶吟

霏霏朔雪淨埃塵。粧點梅花別樣新。征路誰憐東郭履。莫辭盞酒寄悶身。

劉家珍

字元甫江西新城縣諸生

中秋水亭文謙同家兄企吾分韵得樂字

江天淨無塵。萬里光旁薄。水亭譙清樽。少長相酬酢。絃管吹南隣。嘉會擬嵩嶽。秋色恰平分。高文寫東閣。或矯若垂雲。或健如秋鷲。迅筆怒濤生。心眼轉開拓。把酒與細論。翩翩逸少作。畏彼後生年。我輩空牢落。昨歲今之夕。上國獻其璞。君既泣卞和。我亦多盤錯。天香是處飄。君我何寂寞。忽忽又秋中。還將鞭再看。金風拂地來。匣劍吐霜鐔。仰視月當空。纖翳盡消卻。倚欄歌一曲。陶然心共樂。

福山懷古

一望情如寄。山名獨到今。冥鴻青嶂遠。古樹白雲

國朝詩林 卷二  
不盡登臨興。空餘凭吊音。悠悠湖水畔。山有湖水天

明月照双林。旧利名双林

初秋

金風初入律。木葉已先驚。漸覺蟬聲異。從教暑氣平。百年秋易老。孤客夢難成。作賦情何恨。高空一

劍橫。悲壯

秋夜

寒山空浙瀝。獨坐一燈明。心逐孤鴻遠。神從午夜清。隣砧添客思。樓月入詩情。不惜披吟苦。荒鷄下

五更。

即事感懷

底事空餘少壯心。秋風還依杏花林。憐人白髮樽前舞。愧我青衫病後吟。抱邾何辭塵滿筵。舉頭思見月當岑。世情草木紛榮落。竚聽泉流一往深。

送友人歸里

故人握手話重遊。入座還推第一流。百里携囊尋舊約。三更踏月上層樓。寒雲歸宿空山雨。遠雁飛鳴落木秋。一葉盱江分棹去。好將徑寸向明投。

五六 曠遠

與李丈話舊



幾年不見髮飄蕭。喜過荒齋話寂寥。萬派縱觀新  
墨海。辨香為授。舊詩歌。謂何從前輩消磨身世。淒風雨。  
潦倒江村。醉暮朝。記得當時。群逐鹿。獵心猶與夢  
魂遙。

歸舟

綠樹陰陰橫淺洲。空江景色勝如秋。長年舵板微  
風轉。百丈人牽岸草幽。舊雨來循元伯約。錦衾難  
覓鄂君舟。酡顏自買前村酒。一吸長虹萬里流。

劉渚

字滌川新  
城諸生

風中柳絮

濯濯三春柳。花飛面面融。輕盈疑布雪。散亂每因  
風。慘迥隨遊騎。漫天逐去鳴。鳳池欣得所。枝葉更

菁葱

結語  
更勝

賦得春風扇微和

律轉三陽候。條風煦物和。悠揚襟漸暖。淡蕩水生  
波。入樹催紅杏。沿堤長綠莎。輕吹臨紫陌。香氣襲  
鳴珂。

天秋山更青

極目涼天淨。青葱秀遠山。雲收看瘦骨。木脫見孱  
顏。黛色呈螺髻。嵐光擁翠鬟。蕭疎同畫幅。翹首願

登攀。三四更切秋日

賦得山碓水能春

絕澗安山碓。車輪日夜週。翻騰因浪轉。杵臼却人謀。不待推。移力惟憑激。瀉周家家。饜玉粒。軋軋看溪頭。

甘本英 字蔚文。奉新人。為仁幼子。

大雪偶成

萬里彤雲佈。飛鳥倦停翮。朔風報曉寒。園林自蕭瑟。冷氣覺侵肌。頰影長緘默。塵市有美酒。囊空羞未得。終日坐庭前。曠懷高臥客。徙倚望長空。江山

忽改色。始知瑞雪下。霏霏官道側。滕六莫予欺。茅

簷有松柏。骨力傲岸不減家風

登城晚眺

憑高方極目。鳥入暮烟中。挹郭垂楊暗。啣山落日紅。淡雲歸古壑。新月上疎桐。何處砧聲急。清池漾晚風。

和徐君中新晴遣興原韵

幾被昏霾困。晴光忽滿林。煙嵐初抹黛。澗水尚鳴琴。日暖花添笑。風和鳥恣吟。正宜諧律呂。留醉在山陰。

漆雲駿 字周選新昌縣諸生

上雷家山

清晨登疊巘。穿入白雲深。只有茲山矗。而疑列岫  
沉。泉聲寒石峽。日影淡楓林。樵客知余意。相迎話  
此心。

雪吟

瑞木知何處。花生六出飛。山川渾色相。天地足光  
輝。如許長清宇。寧為怯薄衣。一塵元不着。消息此  
中微。

紅葉

幾處霜林照眼紅。猶疑流豔御溝通。飄來絳雪三  
冬候。看去桃花二月中。爛慢最憐新着雨。妍華堪  
笑晚梳風。元冥漫道文章減。點綴疎林色更工。

秋柳四首步阮亭韻錄二

蕭瑟秋光欲斷魂。柳枝斜拂故都門。烏啼子夜愁  
干縷。蟬咽西風月一痕。無復翠眉裝曉閣。空依殘  
照掛孤村。六朝消息如流水。芳草淒淒孰與論。  
裊裊垂垂最可憐。況逢消瘦露江煙。隋隄索寞春  
風老。漢苑蕭疎暮雨綿。絳緯有聲愁處處。燕葭飛  
白送年年。多情張緒依何所。目斷寒潭潦水邊。

風韻  
嫣然

讀胡竹居先生魯遊草賦贈

百城何必守書樓。自古羣公不廢遊。廿四橋邊風  
月夜。三千里外荻蘆秋。高撐碧落泰山峙。倒捲滄  
波渤海流。地近南池多雅會。金撞玉戛韻悠悠。

題子陵釣臺

釣魚非釣名。釣名不富春。何乃百千載。姓字識先  
生。憶昔王孫釣。釣罷將漢兵。一朝罹鐘室。悔不隱  
江濱。西漢釣臺泯。東漢釣臺新。對照妙  
絕高絕

漆雲棟 字南飛新昌縣廩主併工書翰

趨侍湯師亦廬南屏經閣歸賦

積雨初晴首夏天。高山仰止求真銓。先生鼓勇扳  
青嶂。瞥見喧呼下山巔。鯁生歧途蒙指引。層樓更  
上興悠然。凭欄四顧。雙眸豁。水綠山青景是仙。時  
鳥新聲鳴下上。蜻蜒無數織簷邊。村郭橫斜灘數  
轉。平林疎處補雲煙。古石山傍多脩竹。粉籜檀欒  
色愈鮮。託根本在岩阿裏。亭亭高節大如椽。綺岍  
銀塘新荷出。白蘋紫荇間金錢。眼前色色生意足。  
菁莪樂育更無偏。萬斛珠璣憑咳唾。古調鏗鏘律  
呂宣。薰風披拂酒氤氳。忘言忘象坐輞川。慙將下

國朝詩集 卷二  
里巴人曲。漫譜老杜白雲篇。

次和肥伯楊公祖紅梅元韵

丰神一片赤城春。韻致珊珊別樣新。上苑花魁魁  
久占。如今已是衣朱人。

枝頭么鳳艷陽中。霽霽明霞散彩虹。費盡化工多  
少力。總堪隣卜杏花紅。

爛開春色開詩臺。太守風流醉幾回。槐李滿城經  
手植。緋衣應得並茲梅。

芳樹紅雲日暈侵。珊瑚斜挂色溪深。調羹風味當  
自具。拭看移根植上林。  
咏物而不滯于物  
乃善于咏物者

墨池歌 做陶體

陶公性好古。著書常滿室。墨從池邊洗。香從池面  
出。池面交好風。染成組織漾。此喻麋精。險喝隨  
意吸。我来魚不驚。晨夕與之習。招彼素心人。共醉

杯中物。池頭五柳青。蘸波勻一色。

神味酷  
似栗里

黃甲桃 字古隣崇仁縣廩  
生著有浪仙小草

中元節後一日偶感

薄暮涼生暑不侵。幽軒有客動龍吟。已看荷葉殘  
脩蓋。怕見蓬根轉寸陰。無限管絃銷皓月。獨懷秋  
水映冰心。鍾期漫道人間少。何日高山是賞音。

題謙堂別墅

何須綠野逞暈飛。薜荔叢邊構禮闈。窈納雲山呈  
翠畫燈連星斗。帶光輝。敲成妙句。花爭笑。讀罷新  
書鳥正歸。下榻幾年崇孺子。風流千古繼緇衣。

偶感

巫山一片雲。梁園一團雪。閨苑一枝花。蟾宮一輪  
月。雲散亦有時。雪消必有日。花開旋花謝。月圓還  
月缺。如何瘦情人。輾轉無休歇。  
逼真古樂府

偶作

寄跡巴陵下。終年常閉關。書繙千載上。人友萬編

間。適意聊觴酒。良時亦看山。劃然長嘯後。明月伴  
予閒。

怨歌行

卽羈塞北聽胡笳。路上停鞭看落花。妾在溪西學  
浣紗。扎扎機杼織雲霞。一幅鮫綃淚痕賒。一聲長  
嘆寄琵琶。倚欄惆悵望月華。滾滾零露拂蒹葭。君  
不見。秋林黃葉暮棲鴉。伊伊共宿連理榭。又不見  
双双比目伴。泥沙。搖鱗鼓鬣戲深洼。西風吹得鬢  
歪斜。何時偕老賦六珈。  
絕妙好辭  
長兕醉盤之辰。蒙諸友錫以鴻章。因走筆賦

謝

古人不重官。無官無拘束。古人重生男。男生萬事足。我生本貧賤。三十猶碌碌。去冬吉夢占。弄璋詩正讀。敢曰掌上珠。漫比謝家玉。堪慰慈母顏。先世綿似續。茲值醉盤期。群玩觀所欲。書劔古人風。豈堪比芳躅。諸公惠瓊琚。琅琅光如燭。佳氣果充閭。蓬弧添歷陸。此子何足異。異此錦百幅。頭角看他年。且醉杯中綠。

贈陳謙君

相投膠漆幾何年。塵外知音別有絃。淳朴遠存千

古意。炎涼不逐四時天。心談靜日蘭同臭。韻覓當

壻桂共妍。

二子從予遊能詩文

更訂從今堅晚節。顏頭松柏

耐寒烟。

不寐有感

漫道人心似死灰。寒烟暮雨倍低徊。雕鞍未看天邊杏。玉骨空支額上梅。好夢難成誰伏枕。高懷有寄且停柁。名韁利鎖尋常事。敲火還將舊帙開。

連日苦雨

朱光不復照前林。愁見滂沱并日侵。石觸山頭雲漠漠。瀑飛天半影沉沉。桂薪爨起窮簷午。寶穡苗

傷積雨陰。願得南薰來解愠。北窓弹出太平音。

方瑚 字夏玉崇仁人

廣教寺懷古

幾番屐屐恣閒遊。萬木萋萋寺景幽。真隱已隨山。

共老 漢來已 孤墳尚與石同留 宋蘇縣今葬上方

雲向蒲團宿。小澗泉從法海流。到此塵心俱淨洗。

鐘磬遠送出林邱。

即事

黃葉秋風四望天。飛鴻陣陣叫寒烟。不須更讀壞

村句。無限秋聲到耳邊 不露痕迹

陳崇本 字立大崇仁人 著有學言詩鈔

臘月別友

數載窓前夜話頻。那堪悵悵便離羣。明朝踪跡知

何處。惟有梅花影似君。

桃峰烟雨

數點桃花列翠峰。麗華不與衆山同。此中定有千

年菓。却為瑤臺烟雨封。

禿筆

落紙曾將風雨驚。凋殘不復手中擎。生花未了身

先老。恨殺江郎夢不成 程才早天 竟成詩識



同友晚遊次袁某原韵

閉戶避城市。相招薄暮遊。青山隨物老。寒木帶烟秋。野靜溪流急。林深鳥愛投。漁燈明滅處。蘆荻滿沙洲。

營房鬼鬪

壬申春夏之交。米價昂甚。朱溪營房。遂為饑民旅舍。餓而死者凡先後數人。共後每夜。今洵洵。聞鬪聲。或以為鬼鬪云。

凶年餓莩列如麻。營宇荒涼鬼作家。流寓都是他鄉魂。異類相看怒氣加。相看相擊轟長夜。暗裏洵洵瘥人怕。生前意氣不肯平。死後胡為心不化。夕陽西下雨紛紛。野雲四起暗孤村。鬼鬪夜夜驚眠

大人世相爭安足論。

可悲可駭

咏柳

一株嫩綠春漫漫。鶯語時驚午夢殘。誰道今年春色好。翠樓人淚玉欄杆。

陳元瑄

字官玉。崇仁人。歲貢。

咏蒲劍

天然生就比青虹。神物何須百鍊工。寶質縱埋塵土底。光芒欲射斗牛中。暫從門下聊彈鋏。會向溪邊學化龍。漫道逢時非利器。由來草澤淬英雄。

是物  
是人

三月晦日有感

美人不識憐。只道春長住。紛紛落花飛。春光又一

度。言短  
意氣

王家賓 字客周崇仁  
著有別吟草

賦得秋月揚明輝

寂寂高秋夜。亭亭入戶扉。臨枝驚鵲繞。映浦擬珠  
歸。彩散銀河淡。光搖列宿稀。梧桐全影瘦。桂葉滿  
輪飛。燭火難言照。流螢不見輝。南樓登望者。永久  
莫相違。

罷館別友

翠月近前筆硯同。龍門有路快相通。聲名彰處非  
由己。鄙吝來時不累身。曾記花開觀次第。那堪雲  
散各西東。襟分豈比三湘客。偏惡輕輕五兩風。

陳瓚 字斐成崇仁人

賦得潤物細無聲

微雨乘佳節。調勻百物生。濕花看有色。著柳聽無  
聲。滴滴侵階靜。漾漾委地輕。隱沾芳草蝶。暗拂上  
林鶯。慘淡春仍麗。陰沉夜益清。甘霖如可沐。萬彙  
仰陶成。細膩

和甘陶軒即景原韵

美景環軒集。騷人賦墨題。清池眠嫩鴨。綠樹織鳴鷄。月色穿簾靜。晴光照檻低。興來歌籊籊。共釣浣花溪。

苦雨

苗黍常思膏雨陰。過時恒雨即為霖。痴雲不解當空散。巨漲還看拍岸侵。浙瀝溜簷鶻客夢。蕭條滴砌聞虫吟。南薰竚望南軒至。載酒名園聽好音。

和黃杏隣夫子謙堂別墅原韵

鷓鴣健翅逐雲飛。暫擁皐比講素闈。帳貯春風荒墅暖。筆生奇彩夜窓輝。蕪湖幸得通年侍。洛水慚同弄月歸。漫道頑金堪鑄鼎。先生自是有傳衣。

寄呈季父寓汴

山斗鴻名夙有聲。誰堪阿買繼韓英。幾回寫就平安字。願逐薰風到汴城。

陳玠 字賚予瓊弟

草色入簾青

弱草當春作。龍葱到戶庭。娟添銀蒜重。色映玉環青。不假遊芳騎。時聞浥露馨。鄭公風未遠。書帶長娉婷。

春風花草香

花草千山麗。春風拂遠香。似從金谷轉。經過樂遊翔。明媚颺新馥。和柔挹異芳。有時侵硯墨。蘭麝入篇章。

苦雨

正值清和草木香。何須苦雨滯時光。烟飛極浦前村失。霧鎖閑軒野徑涼。虎豹尚愁巢穴濕。蛟龍偏喜浪花狂。及時自古稱霖雨。點滴恩波似海洋。

廿九年

字古豐崇仁人

秋夜飲月下得句

清光泛碧甌。紅釀翻似雪。乘興一杯空。吞却杯中月。月到我心頭。解去炎蒸熱。倚欄對月歌。西聲和金鐵。鏗鏘復錚錚。奔奔無休歇。仰視碧天秋。湛湛

融光潔

逸興  
遙飛

霜威

玉露垂恩久。繁霜忽降威。摧花含涕宿。逐雁帶寒歸。百草香根在。千山亂葉飛。獨珍松與栢。未敢拂毛衣。

陳章

字豐來崇仁人明經候選學博著有琢峯集

過宋文貞梅花亭

十載調羹事業奇。幽姿却與老梅宜。寒香已斷人傳賦。鉄胆難銷石有詩。亭東廊石刻 歷代名詩倚檻晴連沙漠漠。渡橋風靜柳垂垂。鞭夫頗恨催程急。不及陵前讀古碑。亭里許即文貞墓 道有顏真卿碑記

### 半山燈影

寺嵌山之腰。日入寺影匿。林隙放光來。熒燿如星織。靜夜風滿岩。岩風吹不熄。我聞古先生。傳燈照六識。安得然百千。覺路並得得。神至與來 不見痕鑿

### 古砦石室

時清土壘廢。石室天然就。岳撐覆一笠。空虛如鑿

鏤。就中敞復幽。別哉一宇宙。晴絲牽石磴。風雨護雲竇。壺公內者仙。何時一邂逅。

### 松林斜照

日脚度西嶺。斜與松林對。雲淨散霞飛。清光澈林內。樹杪微風撼。影搖老鱗碎。棲禽繞枝頭。牧豎歸牛背。物象自閑閑。俯仰足幽愛。儼然 陶柳

### 會仙晚鐘

山以會仙名。見說群仙會。古木閉崇垣。孤巖宿暮靄。取徑窈然深。而不聞衆籟。空山吼蒲牢。響澈蒼煙外。驚起卧雲心。迢迢空四大。置之玉摩詰 集中不能辨

跌水白練

跌水湧峭壁。凌空劈雲霧。日夕似蜺垂。寒光逼遠樹。就下使凭高。馬能不激怒。洶洶河漢流。隐隐雷雨度。借問出山時。清冽能如素。

三溪網釣

淙流匯三溪。碧湍藏鷗鴒。寒藻依崖舞。卷石挹沙住。沿溪三五人。挾罟持釣具。共結羨魚情。不關得魚趣。前溪夕影亂。行歌破煙霧。

蘭陽河決後即事

街衢餘漲未曾平。瑟瑟西風雨又并。破屋人家緣

郭住。啼餓婦子冒寒。竹煙消古瓦。龍蛇跡。秋入荒堦。蟋蟀殺。羈客由來紛易感。淒涼更惹故園情。

沉雄悲壯如工部

北行宿明月店

旅宿當明月。徘徊發短吟。遙憐千里鑑。遠照百年心。暑尚留。與益秋先入。客衾夜闌眠未得。何處覓

鄉音。

與會 繼舉

梅炳

字厚光 南城廩生

擬閨怨二首

年年勞十指。代作嫁衣裳。忽見前村女。爭呼作阿

娘。妾顏原不減。即好自無常。線脚添紋。綉幽思比  
更長。

寂寞房帷裏。孤燈幾度秋。粧成還顧影。繡罷更含  
羞。銀粉空傳面。金釵漫掛頭。誰為悅己者。翠任兩  
娥脩。

細葛含風軟

承恩初賜葛。精細出深宮。縷密全消暑。飈涼半引  
風。柔絲飄上下。委珮罽玲瓏。罩體疑拖霧。披襟恍  
御空。製將紈扇並。輕與雪羅同。影動南薰裏。香搖  
北闕中。清和双袖滿。疎爽一身融。長短隨宜適。中

心感未窮。

刻劃精細

吳祖望

字香孫撫州宜黃人

虞美人

美人芳艸在。怨思至今多。自是君心暴汙闌。女色  
麝香魂。風綽約。柔影日婆娑。隱几閒憑吊。虞兮奈  
若何。  
項羽總難免于一暴  
字故不保其妻子

喜雨

晚秋勤宿種。昨雨尚嫌微。入夜敲殘瓦。盈朝洽遠  
畿。膏乘來麥下。隴看豆苗肥。最喜知時節。歲功願  
不違。

古

苦

字不其連子

香風轉時。東海日。雲。總。以。國。以。吊。氣。之。卷。

美人芳。如。其。思。年。令。多。自。具。馬。以。具。關。女。身。

莫美人

吳取望

字香

公。海。未。離。

詩

國朝詩觀卷十二

瑞州新昌王錫侯韓伯編次

男霖校字

汪

輒字輩雲號魚亭詩鈔

雜詩

明月懸天中。昭昭垂雲漢。五色燦爛時。使人皆目

亂。織女抱苦心。停梭當夜半。獨對機上絲。一絲增

一。歎成章復何為。機不忍自斷。

含情無限

五人墓

一死視奄魄。千秋作鬼雄。英。敬。留。古。樹。壯。氣。托。秋

風。骨。聚。黃。泉。下。碑。聯。草。中。五。人。當。日。志。可。以。愧

國朝詩見

卷二汪輒



羣公

英俠  
生色

鈴口溪莊雜詠

悠然如有會。髣髴在青霄。宿鳥歸村塢。斜陽過板橋。紅殘溪上樹。綠滿隴頭苗。牧鴨人歸盡。高帘處處飄。

乙亥暮秋偕蔣心餘舍人陳伯常員外小飲

北蘭寺烟江疊嶂堂分韻

怪石宜詩客。秋山愛酒人。水雲栖竹塢。沙鳥集江濱。此外非無願。其中或有因。偶來得三益。踪跡自相親。

江山如此好。流落復何悲。孤寺同三徑。于秋此一。時禽魚皆有覺。木石或能知。各有文章在。臨風寄所思。

不平今古意。惟有九秋風。望遠于無際。登樓亦自。雄水添微雨。後山出斷雲。中此景懸江外。相知有遠公。

送嫁詞

新婦歸房儂意悄。傷春淚落神縹緲。羅帕避人時。自拭臨風獨羨雙飛鳥。

怨女辭士  
同一妻涼

挽王丈毅堂明經

風雲俱有淚。水木盡含哀。謫滿仙人去。壇存吊客來。歎聲聞道路。遺意在樓臺。我實傷心甚。誰能渡愛才。

可為教堂先生實錄

聽陳愷齋彈琴

風前聞古調。流水有遺音。造物餘高境。斯人抱遠心。懷於絃上。寄意在靜中。尋碧海青天。外神遊指獨吟。

興會飄然

臨川舟中有感與陳曜銓分賦

一航載雨送春歸。花片隨風到處飛。留得東皇餘意在。有人樓上倚薔薇。

李婉

過臨川江上弔潁舒

十五年前接滕時。一團明月照論詩。於今生死如雲散。憶昔親朋似雨飛。所有慈孫娛老母。可無寒婦撫孤兒。山陽笛裡心傷甚。我過臨川淚以滋。

古人云生死見交情

同余子安余礪山遊義泉寺登石岩留題分賦

賦

義泉山下出。流過板橋西。有鳥巢高樹。看魚下碧溪。孤雲隨客立。怪獸向人啼。古刹餘塵壁。沉吟見彩霓。

奇氣撲人

閒園酒醒讀羅以正詩效青蓮題卷後留別  
主人余撫謙子安兄弟

常憶我友新城中田之南源又憶分寧郭城活水  
園中有溪山禽鳥介獸花卉臺榭樓閣池館亭沼  
不足道自主人上下內外以及于僕婢無不賢賓  
至如歸友適性體入隱微順其天至今閒園意髮  
鬢此間無異奚其然偶寄客若得好夢浪遊心亦  
如神仙采山茹有美釣水食有鮮主人倡和日開  
筵名酒清冽如湧泉客醉忘歸日沒日欲行不行  
心流連我有老母倚闔望游子更有妻孥子女八

口思客旋食貧露賤存天性天竟無情天不憐醉  
死便埋非放誕枕山向水猶奄奄主人聞我獨太  
息相愛相隨無刻損至誠自古足動物斯意蒼蒼  
者或諉君亦無語我亦無言君且息我復眠千里  
夢魂來枕上一溪風雨橫灯前燈昏雨急披衣起  
重翻几上之殘編客尚不死此為壽金丹尚在爐  
復燃黃婆姹女殷勤甚仰看嬰兒生頂巔蓬山渤  
海為遊戲時看玉女雕雲前金丹足回三萬六千  
日中有妙理精微無異術一粒一尊三鼓五更同  
酒吞

置之青蓮集  
中難分伯仲

神岡救荒歌

日行百里心惻惻。鵠面鳩形看不得。道旁僵者爭  
須臾。婦扶姑起。依夫立襁褓。呱呱携者啼。蒙袂求  
赴粥者食。食未到口。心共酸。千家百里同飲。泣死  
者。日覩生者危。風雨無情無簑笠。天曰至仁。天不  
知人。思補天人無力。我日長嘆在筭輿。欲衣欲食  
靡能及。神岡孝廉有抑堂。奮起救之。勞已極。所畜  
已虛。不計家。一月奔走告隣戚。貴入賤出。為足求  
斯時靡暇論其值。民在死生呼吸間。第求五穀時  
能實。得之則喜。失之則憂。日夜皇皇聞太息。櫛風沐

雨一月中。獨行東西與南北。至誠所感動。義散流  
通四境。多羽翼。功深濟廣。活羣黎。一邑一鄉。有禹  
稷先生。此日為達人。外且馨香昭明德。  
仁者之  
事莫大

于此不  
可無傳

古意

朝陽入洞房。春氣吹花暖。一心托明鏡。照人光不  
滿。三歲刺雙鸞。神態盡委。婉寧辭。緘線勞而使華。  
翎短。

江南秋月多。江北秋風早。不悲秋夜寒。獨悲客心  
老。昨夜夢魂中。見君顏色好。妾本薄命人。顛顛何

道

委婉纏綿  
三百遺旨

松栢亦不堅。金石亦不固。南山耕為田。滄海踏作路。日月有老時。神仙亦何候。萬歲如一朝。可忽窮其數。白雲翳高邱。中有葛洪墓。

含蘊不盡

芳草有遐思。宛轉托霜露。期君湘水旁。常恐歲華暮。秋水搖白波。秋風蕩寒素。相逢不及春。益為時節悞。人生百歲間。悲喜閱多故。莫言遠別離。山海鬱層霧。

節烈坡歌

并序

武陵葉氏婦周水英。明末流賊之亂。扶姑避山中。遇賊欲殺其姑。英抱姑項以

首迎刃賊釋姑。英於樹扶英與子去。越一山至坡欲污之。英厲罵不從。賊殺子以威脅。而英罵愈厲。賊怒亂刀俱下。無完骸。故其地至今以節烈名焉。

節烈坡頭一杯土。長留碧血埋千古。過者吊之慘

以哀。鄉人不忍道其苦。時當明末兵氣流。賊羣橫

掠。殺如虎。葉氏舉家匿山中。老姑幼子俱被擄。孝

婦貞心動天地。賊渠肆雲誠悽楚。老姑幼子生死

時。乞賊罵賊心無主。姑得生還。豈計身可憐。刀下

兒呼母。此時恩義兩難全。睜眼看賊兒。血處烈性

淋漓。赤及頭骨碎。魂飄滿山樹。山樹燐飛百餘年。

印月照之光常注。

奇節奇句  
千載不朽

丁卯春暮桐城道中寄內

風雨途中我自行。黃昏獨聽鷓鴣鳴。好將稚女娛  
慈母。莫問天涯第幾程。

買卜錢空看雁飛。年來典盡嫁時衣。知卿不識江  
南路。才到門前夢又賒。

妾媿  
淚華

田家詩 和子載前

負郭漫平疇。茫茫春草肥。時序過三月。隴頭盡扶  
犁。牽牛雨中飯。布穀原上飛。媪婦荷簞笠。襁免停  
午機。念此動忻慕。嗟余行未歸。

田鼓出前村。老農驅犢遠。東風原上過。水蕩菑畬  
轉。冒雨至田中。耕稼不容緩。順茲天地心。戮力爭  
平阪。無以報義農。土登盛麥飯。

稻熟刈南畝。雞肥鳴東籬。村醪出冢婦。父老酬前  
期。場上餘新穀。筐中多舊絲。飢寒不復患。歡樂言  
在茲。三時無水旱。誠哉造物慈。

納官清賦稅。瓦缶具雞豚。里胥相揖謝。歡然還縣  
門。老親日健飯。扶杖牽童孫。社前看報歲。聽鼓出  
隣村。還家散梨栗。此樂安可論。

撲實駕來悅  
見擊壤風流

同劉誠齋余卧夫應幼度余礪山諸秀才飲

羊城瀛洲酒肆再疊雲谷感遇原韵

窮途大笑諸人聚。四座鴻談酒鬼驚。莫向市廛留  
姓字。期於鐘鼎勒功名。我從水火災中活。心在風  
雷卦上生。舊雨堪憐新雨隔。皇天意覺未分明。

傅紫綸 字理中 建昌南城諸生

出從姑山作

雙雙屐齒印殘紅。絕出山腰細雨濛。峰色有無清  
漲外。鐘聲冷落凍雲中。鴉翻樹杪雲成陣。鷺撲蘆  
花雪滿叢。回首乍驚姑澤失。倚欄一曲怨西風。

寄葦航僧

繩床幾為拂塵埃。不見孤雲帶鶴來。風韻半窓虛

夜月。離絃一曲寫琴堂。晴逢縑石思真面。遇有名  
花嘆獨杯。已是端陽初候別。吟秋又聽咽庭槐。

觀漲

風撼竹聲萬戶號。奔騰一望思滔滔。浪花千頃排  
雲出。看弄漁舟擺怒濤。

坐月

一輪皎若鏡飛空。坐醉汀沙友雁鴻。樹影漸移江  
月小。滿身披玉碎玲瓏。

江大成 字搢笏 江西新城縣廩生

和鄧松門秋夜同黃素堂先生城南步月原

韻

滿架圖書尺幅。衫解衣捫虱。共誰談。雄懷未肯輸。河朔古調。猶思奏雅南。十丈梧桐。聯鳳侶。一簾風雨。戀花龕。于今纔得窗帷下。漫學天人策對三。

磊落生姿

酬楊大沅南移館元韻

玉兔光騰北斗西。嫦娥今夜伴誰栖。杯浮綠蟻聊供醉。路入青雲自不迷。韶珥輝煌徒侍母。牛衣冷落竟羞妻。庭前幾度花香滿。引得詩脾又索題。

中秋同友待月

欲憑絃管到雲深。映出花香弄月陰。衣帶桂風吹玉露。耳呼雁唳轉瓊林。飛觴磊落酣新醉。復旦光華會素心。詩思渾同秋思發。好登天柱和清吟。去年此夕當戌亥。試罷歸來斟酒待。雨過雲收風漸香。一輪圓滿依然在。庚辰中秋微雨更深乃見月如何今夕又遲來。令我胸中增礪硯。廣寒宮殿擬同遊。牛渚賓朋誰共載。水調歌頭唱漫思。皓衣白鶴顏未改。從此赴約似仙槎。驚看匹練橫滄海。

溪居

別業臨清渚。幽光渡小溪。卧看魚徙北。心聽水流



西。浪。湧。樓。臺。動。波。平。棟。牖。低。曲。櫺。紗。護。處。彷彿。在  
沙。堤。

祇。愛。軒。窓。迥。垂。簾。半。入。溪。魚。龍。驚。出。沒。舸。艦。繞。東  
西。煮。茗。濤。聲。細。憑。欄。樹。影。低。柳。陰。如。可。種。即。此。是

長堤。好景 好畫

符瑞鳳 字建廷南豐人太學生著有阿閣詩草

摘李白將進酒樂府

休。言。君。無。千。金。財。千。金。散。盡。還。復。來。休。言。花。落。點  
翠。苔。明。年。春。色。又。重。開。惟。有。紅。顏。與。綠。鬢。皤。然。一  
去。不。復。回。勸。君。莫。惜。當。前。景。勸。君。莫。惜。進。前。杯。古

來。達。者。識。其。機。驕。驕。換。酒。樂。情。杯。君。不。見。步。兵。一  
月。醉。不。醒。又。不。見。劉。伶。醉。死。身。便。埋。憂。患。於。我。何

有哉。絕似 青蓮

同友人月下對酌

與。君。同。吟。對。君。酌。詩。成。酒。醉。恣。談。話。婦。娥。知。我。暢  
幽。懷。故。向。筵。間。呈。皓。魄。古。人。秉。燭。夜。常。遊。吾。儕。安  
可。耽。寂。寞。况。逢。身。世。泰。階。平。物。華。天。寶。真。堪。樂。但  
願。與。君。三。萬。六。千。長。如。此。不。用。靈。山。壽。世。藥。君。不  
見。長。江。之。水。不。西。流。人。生。難。滿。百。年。秋。相。逢。不。飲  
復。不。醉。徒。使。紅。顏。變。白。頭。曠 遠

贈煉丹觀磬道人劉慧先

軍峰十萬丈。舉步長嶙峋。不是超凡者。難為學道人。三春衾似鐵。九月雪如銀。君獨凌高住。脩真鍊老身。

行年七十載。食氣飲芳泉。眼目無塵相。功夫偶上仙。藤蘿影下立。金洞日中眠。雲鶴一聲過。飄飄欲上天。

百花亭送客

迤邐從東躡。長亭是百花。不嫌予戴笠。亦聽客乘車。夾岸青山合。穿田綠水斜。前程無限路。春樹暮

雲邊

宿半雲菴

下。額雲層疊。虬松老萬千。道通丹嶂外。人歇暮鐘前。兩載參真府。半山宿洞天。班荆逢故友。吸茗話神仙。

春日過東溪

石笋排門又一溪。軟沙芳艸綠高低。威儀道士迎

灰狗。豐俗禱病以灰作豚狗祀神嬉笑鄰姑送炭鷄。豐俗以炭末調飯汁

柳成九克炭名炭鷄曲水波流茅屋外。啼鶯聲在柳橋西。輕

風一陣飛桃李。白白紅紅墊馬蹄。

美可山晚眺

美可山前送目光。輞川儼若函圖張。幾層雲樹依  
秋水。一半人家住夕陽。魚網負歸芒履濕。樵風吹  
到芾衫涼。故交遠在山河外。興觸蕪葭別恨長。

秋鴈

曠野高秋迫。南來一陣音。蘆花如白雪。嘹唳入深  
深。

丹楓亭

丹楓亭葉繞蒼蒼。愛逞風流夜染霜。誰道南臺秋  
色冷。南臺色葉絢春光。

寄懷李卧廬先生

結識傾心日。鬚眉竟浩然。炎涼  
年。問字書頻檢。裁詩句欲仙。不沾塵裡味。獨卧靜  
中天。煮茗爐烟細。尋花屐齒穿。雨風三月訪。隱隱  
為春憐。

杜繼凱

字左待南豐人歲貢  
著有啣梧集

雨翠園禱興

出戶平橋近。江樓倚地開。霜空山墮果。石峭水成  
雷。官柳斜陽路。漁蓑古澗隈。從來耽墊趣。吟眺未  
能回。



晚梅

日日探春信。閉階看古梅。世人多冷眼。天竟獨憐。  
才不與衆為。任何妨晚更。開一枝如有待。寒盡始  
春回。

酌黎秀才遊崇慶寺

看花出部外。乘興到禪關。春色不相待。幽人盡日  
閑。鐘鳴午夢醒。燕語老僧還。坐久日西夕。孤烟起

暮山

神乎  
王孟

喜雨

一雨連朝暮。雲烟滿四鄰。煩襟賴以豁。薄俗自然

涼。翠滴琴轂韻。晴添采甲新。秋成良有托。數口未

全貧。

憶別

分手河梁暮。空瞻水一方。月生江浦寐。風過竹溪  
涼。螢火點虛白。鐘磬接渺茫。誰言千里遠。只此路  
何長。

閨中七夕

秋風撼庭樹。涼月透絺帷。鳴虫欣得偶。孤鳥獨何  
依。雙星會河漢。千載不一違。沉思歡會處。剩有別  
離悲。人壽不滿百。遠行意當歸。蕙草萎。堦露怨君

顏色非。

溫季敦厚

劉鷲

字履雲瑞金人

劉阮再到天台不復見仙子

重遊煙景續鸞笙。渺々仙娥隔玉京。客到空餘丹  
犬吠。曙流還有碧鷄鳴。桃花依舊留芳態。澗水終  
年咽恨聲。應是瑤池招醮飲。雲輶今已赴蓬瀛。

李煌

字竹軒新城人太學生

雨梅

孤梅清潔出塵宇。片片斜飄和萬縷。一種冰姿世  
外心。宜風宜月更宜雨。  
清新

含梅

春信初傳隨往探。朦朧月下影差參。冰心未肯輕  
相露。猶自嬌羞半吐含。

蘭室宜春

鳥語花間蝶過牆。千紅萬紫競芬芳。閒來日日憑  
窓望。風景依稀似洛陽。

宜夏

千葉榴花映日明。桐陰密密護苔清。踈檣紙透微  
風起。一陣蘭香襲滿庭。

宜雨

國朝詩集 卷五 李煜 十六  
細雨瀟瀟。滴檻。蕙來梁上蝶穿。花添秀色。琴  
添潤。一樹槐陰滿院青。

宜風

一陣吹來滿院涼。四時花發。賴傳香。歌臺夜靜笙  
簫沸。頻送清音到草堂。

宜雪

忽見枯枝一色新。呼童掃徑待嘉賓。雖無紅紫供  
清玩。柳絮梨花總是春。風致 楚楚

壬申人日遊馬鞍山韵

信步尋仙蹟。攀援上馬鞍。林深山徑寂。溪遠水雲

寬。露滴苔痕濕。風搖樹影寒。高僧留客飲。歌笑滿

樓歡

三四 老健

年邁殊難步。扶筇上馬鞍。眼空詩思逸。興到酒懷  
寬。脩竹環山翠。孤松耐歲寒。人生如夢幻。適意且  
偷歡。

屢中口占

何妨居屢肆。未許俗塵侵。書可垂簾讀。詩隨信口  
吟。來談常促膝。把盞任開襟。市罷黃昏後。焚香理  
素琴。總是入世出世

寒月

凜凜西風起。圍爐實月團。清輝凝露冷。皓魄映霜  
寒。似雪鋪銀漢。如水轉玉盤。梅梢光素淡。竹下影  
踈殘。近照山河竅。高臨宇宙寬。十分幽靜境。我意  
獨盤桓。

歲暮有餘閒

歲晚收成畢。偷閒竟得閒。扶筇遊勝地。帶酒訪名  
山。古寺逢僧話。幽林看鳥還。遠觀雲出岫。近聽水  
流灘。踏雪尋梅賞。臨風把瑟彈。利名何足計。高卧  
且加餐。洒然自得

十四夜望月

磨將寶鏡掛長空。二七清輝萬里同。池水影浮金  
漱艷。紗窓色透玉玲瓏。閨人照怕蜀山遠。騷客吟  
添皓魂中。坐久渾忘香露冷。依稀身入廣寒宮。

秋閨

限韵以花酒地曲鳥官  
八名入句

夜合紗窓獨上床。瓊漿難解悶愁鄉。西山月落羅  
幃冷。刮地風來綉枕涼。飛雁空排新信字。行人頻  
寄舊霓裳。何郎若整歸鞭日。花粉重施滿面香。

長夏江村風日清

長夏江村風日清。綠陰深處寄幽情。眼空不碍烟  
光迥。心靜還堪碧水盟。樹影參差交竹影。歌聲斷



續送蟬散。閑來自在。渾無事。晝永聊消一局枰。

雪布袋和尚

渾身玉骨與冰肌。不染塵凡半點泥。冷眼靜觀炎  
世態。無言默默笑貪癡。

穩切

裴植

字卓然。崇仁縣學生。著有待刑草。

登鷺洲樓

洲在吉安府城外。

悶懷羈客館。舒眼曉登樓。近郭環螺嶂。分河夾鷺  
洲。村烟含野霧。小艇亂輕鷗。倚檻情無極。長川水  
自流。

遷居竹山

久薄塵鷺不可居。竹山城外卜吾廬。芳隣已得三  
遷地。矮屋堪藏幾卷書。花放滿園香入夢。月涵清  
沼影侵除。最憐地僻多幽趣。門少喧譁駟馬車。

羅躍龍

字汝翼。南城縣諸生。著有醉瀑集。

秋江晚眺

日落秋江暮。山在隱竹扉。舟從雲外渡。鴉傍月頭  
飛。樹遠蟬聲細。潭深雁影稀。牧童橫短笛。韻帶夕  
陽歸。

秋江偶興

乾坤大放一聲秋。亂剪江楓逐水流。桃葉渡頭舟

泛泛蓼花灘。上雁悠悠。波翻素影寒光斂。山掃晴  
痕紫氣浮。眼裏乍看風景換。應教王粲莫登樓。  
江千萬樹曉籠煙。失却滄波幾畫船。欸乃數聲知  
客去。潺湲半嚮識龍眠。露凝。敗柳歌湘浦。風掠。殘  
花過野田。借問誰家吹玉笛。鷓鴣啼徹沈寥天。  
夜深雲淨海天空。小立溪頭興未窮。止水沉泓江  
浸月。落梧蕭颯葉迎風。星浮漢渚煙霄上。人在秋  
波近。遠中鼉鼓。散散催漏滴。關山萬里一孤鴻。

友人邀重遊從姑未果

誰家買酒渡扁舟。三五乘風鼓浪遊。夾岸蘆花飛千

點。雪半江。棹破十分秋。非曰釣水尋鱸去。即為登  
山放鶴留。我亦翱翔天地者。悔教足跡欠峰頭。  
懸崖峭壁最多奇。飽食風霜樹几枝。朝惹青烟堪  
入畫。晚拋紅葉任題詩。禽偷秋果飛應疾。客愛楓  
林去却遲。佳境未經雙眼眇。一番情景一番思。

和友人秋雨過昇山寺有感

兩版衡門歲月過。無邊炒蔓掛藤蘿。客從疎處情  
偏密。人在窮時慨轉多。劍氣自能冲北斗。道心奚  
事拜彌陀。來年覓得秋江信。坐泛山槎走碧波。

雁陣驚寒

南天迎雁陣。北地已先寒。照水憐形瘦。過峰惜羽  
單。傳書悲露冷。排字怯風酸。有感鳴偏易。無衣聽  
却難。蘆花疑雪亂。波動覺冰殘。雲裏雙雙白。山頭  
葉葉丹。衡陽散且浙。江左寄初安。欲識清秋候。來  
賓仔細看。

馮天衢 字取青 瑞州 新昌諸生

山鷄舞石鏡

石鏡開清明。山鷄忽躍然。未知身帶影。仍昧已呈  
妍。俯仰如相亢。婆娑不讓先。分明形有在。扞隔  
無緣日照姿。皆麗風翻雨共鮮。鷄行如許厝。鑑貌

鳳池前

雨洗高秋淨

雨洗紅塵淨。天高爽氣秋。膏懸蘭葉墜。珠抱桂枝  
流。萬壑微雲散。千峰薄霧收。河明日見底。林靜倍  
加幽。玉宇清光徹。瑤臺瑞彩浮。西郊多景色。擊壤  
任優游。

魯邦華 字涵素 新城人 賤監生 著有數句草

贈竹

青青自在青。綠綠自在綠。與梅不榮枯。與松不屈  
曲。非石亦非金。非草亦非木。此君本無名。是誰名。

曰竹。

南句似

### 湘潭叟七十

七十古來稀。今也見不少。庸夫百歲餘。寂寂死後了。在文不在壽。無文壽為夭。在德不在文。無德文不表。文以壽翁名。德以壽翁老。貞下復起元。壽如初。春草習俗語。支離世人祝。壽考我讀昌黎書。陳言一筆掃。

有超卓之見打  
破頌祝窠血

### 寒碧草堂中秋夜小集

春宵一刻值千金。用坡句千金一刻中秋夜。露洗風磨一點明。浩蕩長空清。光瀉寒碧草堂集。騷人風

月無邊翻玉笋。長吟短咏欲驚人。句不驚人吟不罷。風月詩脾一般清。清光清氣天雙借。

### 夢中訪友

似倦非倦。夜深淺似行非行。路近遠恍惚山邊過。板橋穿田細徑滑且軟。幾個石額上松林。偶然一嗽起吠犬。松林盡處見人家。一帶人家門盡掩。剝啄雙扉問是誰。聲非故人急急轉。醒來啟戶立階除。仰見天心月一點。

### 一隻鶴歌壽凌觀察

凌青天兮一隻鶴。搏萬里兮鳴碧落。乘火精兮頂

丹乘金氣兮羽白。飢啄兮芝田苗。渴飲兮瑤池液。  
明月宿兮無思。清風舞兮自得。大變小變兮吾見  
真吾。形定之年兮一千六百。

擬構

擬構好山活水邊。松楹竹瓦壁茅編。老樵偶過為  
朋友。野鳥時來作管絃。日有餘閒隨意讀。夜無剝  
啄汝心眠。白雲渾解先生意。相對忘言契自然。

秋日訪隱

千山一茅屋。柴門草徑曲。欲識主人。心笑問籬邊  
菊。

中秋夜半

秋月何溶溶。秋風何漫漫。秋月與秋風。平今秋一  
半。

旅館醒後

紙窗白於雪。竹簟冷於鐵。起來立階除。梧影卧明  
月。

魚磯釣罷

魚磯石上我來遊。不似漁翁必欲求。得不得。魚隨  
意耳。一溪明月半竿收。

洒脫

陳飛鵬

字其南。廣東海陽人。乾隆庚午舉人。庚辰進士。

田家雜咏

隔離一老父。屋隣亦田隣。雖非姻婭戚。地近人自親。為言此生幸。百年長太平。世治盜賊少。官清租稅輕。禮義人所重。詩書亦須營。我速為免語。汝宜入橫經。力田供奉養。讀書明人倫。

陶柳風味

將進酒

君未得志君莫哀。進酒與君漫徘徊。禍福相倚日月相催。相催急如蛇赴壑。相倚終成塵與灰。我有老春初發醅。願君痛飲無算杯。君不見石季倫。富蓋海宇。王窰金穴。為在哉。君不見霍將軍。權傾中

外高閣池館盡。堙埋咸陽空。思東門大。何如玉山倒金壘。曾聞李供奉。壘麴欲築糟邱臺。沉醉如泥了一世。今古賢達孰與偕。得醉君且醉。惟空世事一開懷。不然此生寂寞虛度。三萬六千日後世誰挈壺酒。往澆劉伶墓土來。

微昂磊落應從青蓮得來

湘妃怨

露濕叢筠暈色鮮。空曳步搖踏湘烟。蒼梧雲起看。不見一色團團水。含天秋山弔月蟪蛄苦。寒龍吟水殺淒然。同在南荒猶千里。不似侍君聽五絃。

絕雅

題松坡弟雨景圖

山沉壑海鴻濛恍惚似聞奔雷衝老樹泐泐龍  
 虎闢枒杪盡困拔地風澗水迅駛走巨石危橋古  
 徑躡老翁如注疑是天河決不然女媧鍊石補未  
 工為憶前年旱魃虐六月蒸陽至十月聞君握筆  
 寫此圖驅盡胸中幾硤砢今我携來挂草堂正值  
 夏潦半月強積水平階蛙生井杜門却為淋零妨  
 室中竟爾騰神怪雲破雨飛反難當迷離無措欲  
 出走圖書濕透氣蒼茫速叱兒奴使解去庶幾境  
 定神安康嗚呼安得盡燔君畫本不使天地錯陰

陽

酷如  
老杜

子夜歌二首

君心金石堅妾色李桃穠無若春風去君心似妾  
 容妾贈菩提子君貯白土環子連自縷貫環缺難

相關

古味  
隱然

馮埕霏

字莫亭廣豐縣舉  
人著有遊度草

蓮塘對酒作

日間最愛蓮塘山夜來尤愛蓮塘月眼前一杯復  
 一杯心中何事不消歇主人為我奉盤匱剖瓜剝  
 束又烹葵此時相對不為歡此後相思亦胡為

留別許大翼堂

相契人多有。相離誰則無。勞君千里夢。為我一帆孤。對月吟長別。臨風痛短吁。溪山從此淡。齊入暮雲圖。

次王二仲李半畝居原韵

蒼茫一笠俯城南。斗室偏涵萬壑嵐。無恙白鷗沙獨宿。開殘黃菊帽還簪。臨池墨落魚翻浪。按笛教遲鳥下龕。羨汝弟兄爭論古。添余月下作朋三。

和洪大兩山題展暹羅國三貢使臣墓韵

最是鄉雲萬里時。珠江玉壘耐遐思。空天鶴唳行

人暮。遍野鵑啼杜宇詩。獎後千秋鸞有誥。國朝封表尚存

吟成九字豹留皮。使臣者有九生吟詩使臣豈料招魂者。一

曲新詞煥舊碑。

丁元錫 字惠齡 永豐諸生

夜

新月方西斜。明河露秋色。耿耿出衆星。照我牀之側。何處遠鐘聞。枕上破甜黑。秋風浙瀝來。草虫敲唧。唧起首視天高。浮雲橫復仄。孤響託瑤琴。三歎

情曷極 情悰 委婉

秋日登青原山



入山尋芳草。始知諸境妙。泉流亂溪谷。秋色延清  
眺。携酒復何處。有亭曰五笑。坐飲酌流霞。西山送

斜照

幽香  
撲人

### 獻山

峭壁生虛空。青天卧篔簹。風霜日高索。溪谷聞啼  
鳥。杳然人跡稀。紅葉落多少。

悠然  
不盡

### 寄答李律亭

向晚步江干。遙思遠無際。南歸燕雙飛。我獨厭留  
滯。今得故人書。含愁遞未睇。春風水揚波。闕城斜  
景霽。

### 十六夜徐偉希至

小閣收殘照。涼天澄暮陰。何期今夜酒。得與故人  
斟。野月空池上。寒烟孤渚深。秋風吹短劍。長嘯託  
瑶琴。

雅適

### 送別

落葉離亭響。寒風悵別神。山中愁積雪。日下送歸  
人。路遠荒城北。心飛白水濱。年來殘臘過。相問一  
園春。

天骨  
自然

### 江村

石下日潺湲。蕭齋意自閑。淡雲浮水鳥。疎雨過晴

國朝言舊 卷三  
山古色松鱗老。秋光薜黛斑。幽人吟嘯處。時有鶴飛還。

方參 字挺中崇仁人癸酉副貢

咏梅八首次親家表南亭中翰韵

龍鬆玉蕊絕鉛華。秀奪三株壓水涯。映雪精神增百倍。天教設色到寒家。

凌寒干賞了無心。踏雪相邀亦不禁。古道但存吾氣節。清標到底有知音。

先生屋角景無冬。羨爾能脩冰雪容。破盡寒窗標晚節。耐寒應不讓虬龍。

霜葩特自擬衝寒。欲禁疎枝不放難。冷處有心堪識面。相逢幽趣夜憑欄。

贈蕭定求先生孝行 旌表建坊

生來至性十分真。歷劫元寒孺慕新。哭墓未乾三

歲淚 君三歲喪母哀慟如成人既葬常往哭墓間 居廬欲償百年身。渭

陽展報恩情渥 君母羅氏亡後育舅及舅卒喪葬如禮 萱草重培色

養純 事繼母如生母 孝治於今宏萬國。應知善氣在斯人。

黃洲沙月

巴陵多勝景。最著紀黃洲。皓月當空照。平沙極岬浮。金波疑欲動。玉宇漾還流。地共天光接。雲同水

國朝詩集 卷三  
氣收鷗眠羣影沒。雁度幾般悠。近玩霜鋪樹。遙看雪滿湫。雙城明霧峻。一帶望中脩。更沐文星化。光被十二樓。

王朝翰

字拱垣。號鏡舫。江西萬年人。乾隆丁丑進士。

右北平遊草

月影腫。朧夏澤旁。肥墾村。釀坐橫床。一殺鐵。揆聽未驟。彷彿滅。茶叱項王。

奇開

積翠重重入望遙。迨牆盡處見山椒。排空欲辨盤山路。一縷柔烟上絳霄。

好句如仙

白草茫茫塞上風。山川盤鬱護蒼龍。臺隍半是前

朝跡。成柝時聞出遠峰。

長城蚴蟻影漫漫。天塹遙供拄頰看。翠削芙蓉千萬朵。晚風吹落滿城寒。

夕陽欲下更停車。柳外迴看塞上花。鴈過寒雲催木葉。秋山馬跡一行斜。

揭鳳翱

字雲嶠。一字韓門。南豐人。著有秋蟲吟。過江草。北羅草。

秋夜

秋風起高閣。明月照芳池。俯視清波流。仰見羣星垂。翩翩池上鳥。羽翼何參差。攬衣起四顧。白露披華滋。冉冉青桂叢。采采梅花枝。鳳凰久寂寞。紫簫

空自吹

渡淮

白日下大川。飄飄御方舟。波浪漫浩浩。簫鼓發中流。中流振天風。魚龍湊浮沉。恍惚對混沌。須臾過千艘。黃河天上来。奔淵不可留。萬里起寒色。浮雲醜不收。祖生思擊楫。孔子嘆乘桴。寥寥千載下。壯哉復此游。

大言 炎炎

秋夜吟

炯炯晨星稀。復稀明月滿。天垂紫微靈。慧風生帝子。至金莖。露冷仙人歸。漢庭朱雁去。已遠昆池碧。

雞竟誰依仰。天長嘯好。自。去年來。吾負山中衣。

卓犖 不羈

江夜歌

萬片浮雲墜江白。兩岸丹楓愁楚客。天風忽送明月來。為我江邊掃蘿石。醉把長簫石上吹。散盡長空秋一碧。

俊逸似 太白

天津署中同傅雨蒼夜坐

歲暮啣杯坐。寒更聽漏殘。夜清霜月苦。地冷雨苔乾。吟就肩看聳。香溫鄰可盤。莫嫌茲屋小。已覺海天寬。

三四 清剛

滁州城樓坐月

露坐倚觀樓。三更月到頭。漁燈迷遠浦。蛙鼓集空溝。往事悲萍梗。深心託斗牛。望窮雲外水。已覺海天秋。

京口

海上秋高水氣蒸。晚烟漠漠最相應。猿頭似笑初來客。碧眼誰窺六代僧。紅葉迎霜飛鐵甕。滄波如夢別金陵。笑來舊事餘殘壘。頓使閒愁一夜增。

沉音雄韻

登燕子磯

曾連幕府鎮江東。尚爾飛殘碧浪空。斜檻到來秋唳鶴。懸崖何故夜驚龍。濤散湍蕩金陵雨。山色銷沉建業鐘。徒使危亭添俯仰。蒼碑綠蘚別無窮。

舟次康山用杜野望韻

水輪浴海懸明鏡。虹影當空駕彩橋。萬里間關鄉國近。一帆風雨夢魂遙。未隨向子悲今日。空對康郎吊往朝。草綠湖南波浩浩。羞將短髮傲青條。

留別都門諸友即用黃客橋國博見贈原韻

冥冥天畔忽經年。回首南塘二畝田。谷口煙霞還故我。金臺風月揖群仙。一囊詩思衝邊雪。萬里歸

舟感逝川莫怪登樓成底事江魚塞雁與誰傳

沉鬱似工部



